



Broj: 01-67/16
Vareš, 31.03. 2016. godine

Na osnovu člana 22. tačka 2. Statuta Općine Vareš – Prečišćeni tekst, broj: 01-162/12 od 11.09.2012. godine, i člana 95. stav 1. Poslovnika o radu Općinskog vijeća Vareš – Prečišćen tekst, broj: 01 – 109/09 od 29.04.2009. godine i 01-16/12 od 30.01. 2012. godine, Općinsko vijeće Vareš, na 35. sjednici održanoj 31.03. 2016. godine, d o n o s i

ODLUKU
o izmjenama Odluke o načinu obilježavanja
međunarodnih i državnih praznika u Općini Vareš

Član 1.

U Odluci o načinu obilježavanja međunarodnih i državnih praznika u Općini Vareš, broj 01-98/12 od 26.04. 2012. godine, u članu 3. stav 1. i 2. mijenjaju se i glase:

„Općinsko vijeće Vareš (u daljem tekstu: Vijeće) u povodu praznika Dana nezavisnosti – 1. mart i Dana državnosti – 25. novembar, održat će svečanu sjednicu.“

„Vijeće u povodu obilježavanja ostalih praznika iz člana 2. ove Odluke može održavati svečane sjednice Vijeća. O tome i povodom kojih će se održavati svečana sjednica, o datumu i vremenu njenog održavanja odlučuje Vijeće na prijedlog Kolegija vijeća.“

Član 2.

Odluka stupa na snagu osmog dana od dana objavljivanja na oglasnoj tabli Općine Vareš.

PREDSJEDAVAJUĆI
OPĆINSKOG VIJEĆA

Zdravko Marošević

Odluka objavljena je na oglasnoj tabli Općine Vareš dana 01.04. 2016. godine.

OPĆINSKI NAČELNIK

Kovačević Avdija, dipl.pravnik

O b r a z l o ž e n j e

Odluke o izmjenama Odluke o načinu obilježavanja međunarodnih i državnih praznika u Općini Vareš

1. Pravni osnov

Pravni osnov za donošenje ove odluke sadržan je u odredbi člana 22. tačka 2. Statuta Općine Vareš, br. 01-25/09 od 29.01. 2009. godine i 01-15/12 od 30.01. 2012. godine, prema kojoj Općinsko vijeće u okviru svoje nadležnosti donosi odluke i druge opće akte kojima uređuje pitanja iz samoupravnog djelokruga Općine Vareš.

2. Razlozi za donošenje

Na Inicijativu Kluba BPS o izmjenama Odluke o načinu obilježavanja međunarodnih i državnih praznika u Općini Vareš broj: 01-98/12 od 26.04.2012. godine i uz pozitivno mišljenje Općinskog načelnika, na 34. sjednici Općinsko vijeće Vareš, jednoglasno je prihvatilo inicijativu.

3. Finansijska sredstva

Za provedbu ove odluke nisu potrebna dodatna finansijska sredstva.

OVLAŠTENI PREDLAGAČ
Klub BPS u OV Vareš